



Borg, 16. desember 2019

Kæri frístundahúsaeigandi,

Við vonum að árið 2019 hafi verið ykkur ánægjulegt og að árið 2020 verði ykkur gæfuríkt. Við sendum þetta bréf til að vekja athygli ykkar á nokkrum hlutum sem gætu skipt ykkur máli.

Úrgangsmál

Þann 1. janúar 2020 hefst gjaldtaka á Gámastöðinni Seyðishólum fyrir gjaldskyldan úrgang. Undir gjaldskyldan úrgang flokkast timbur, málað timbur og grófur úrgangur. Gjaldið pr. rúmmeter er kr. 5.500,-. Hér meðfylgjandi er klippikort fyrir 4,5 rúmmetrum sem við hvetjum ykkur til að setja á góðan stað og taka með ykkur þegar þið ætlið að henda úrgangi á Gámastöðinni Seyðishólum. Þegar klippikortið klárast þá er innheimt samkvæmt gjaldskrá. Vinsamlega athugið að heimilissorp skal flokkað í fjóra flokka í sveitarfélaginu þ.e. í lífrænan úrgang, plast, pappír og annan úrgang. Lífræni úrgangurinn má ekki vera í plastpokum heldur skal hann vera í pokum úr pappír eða maíspokum sem jarðgerast með lífræna úrganginum. Við heimsókn á gámastöðina skal úrgangurinn vera flokkaður, ef ekki er flokkað og erfitt að sjá hverju er verið að henda t.d. ef rusl er í svörtum ruslapokum, þá verður innheimt / tekið af klippikortinu fyrir öllum úrganginum. Hér meðfylgjandi er flokkunarblað þar sem nánar er farið yfir flokkana fjóra. Hægt er að óska eftir flokkunarleiðbeiningum á ensku með því að senda tölvupóst á gogg@gogg.is.

Fráveitumál

Rotþrær í Grímsnes- og Grafningshreppi eru hreinsaðar á 3ja ára fresti. Hreinsanir eru gerðar skv. kröfum Heilbrigðiseftirlits Suðurlands og Umhverfisstofnunar.

Vinsamlega athugið:

- Rotþrær verða að vera aðgengilegar fyrir hreinsunaraðila, ef það er mikill gróður þá er gott að merkja staðsetninguna með stöng eða flaggi. Þannig getur hreinsunaraðili gengið til verks þó að enginn sé heima við.

- Gæta þarf þess að hreinsunaraðili komi ekki að læstu hliði.

- Gæta þarf þess að fjarlægð frá bíl að rotþró sé ekki lengri en 60 metrar.

- Vinsamlega athugið að hvorki er hægt að segja til um hvenær hreinsunaraðili tæmir né óska eftir ákveðnum hreinsunartíma.

Árið 2020 verða hreinsaðar allar rotþrær við Kiðjabergsafleggjarann, Hraun meðtalið. Að auki verða hreinsaðar allar rotþrær þar fyrir austan að Brúará, Sólheimavegur meðtalin.

Nánari upplýsingar má finna á heimasíðu sveitarfélagsins: www.gogg.is

Álagning árið 2020

Álagning fasteignaskatts er gerð samkvæmt II. kafla laga um tekjustofna sveitarfélaga nr. 4/1995 með síðari breytingum. Sveitarstjórn hefur ákveðið að skattprósenta fasteignaskatts A skuli lækka úr 0,475% í 0,465% af fasteignamati eigna. Eignir í fasteignaskattsflokki A eru íbúðir og íbúðarhús ásamt lóðarréttindum, erfðafestulönd í dreifbýli og jarðeignir, útihús og mannvirki á bújörðum sem tengd eru landbúnaði, öll hlunnindi og frístundahúsnæði ásamt lóðarréttindum.

*NÝTT

5% staðgreiðsluafsláttur verður veittur af fasteignaskatti til fasteignaeigenda sem staðgreiða álagninguna fyrir 6. mars 2020.

Útskýringar á álagningarseðli

Á álagningarseðli má finna ýmis gjöld sem geta samanstðið af eftirfarandi liðum:

- Fasteignaskatti
- Lóðarleigu
- Seyrulosunargjaldi
- Vatnsgjaldi
- Sorphirðugjaldi
- Sorpeyðingargjaldi

Það er misjafnt hvaða gjöld fasteignaeigendur greiða sem tengjast fasteigninni þeirra og fer það alfarið eftir þjónustunni sem þeir kaupa af sveitarfélaginu hvaða liðir eru á álagningarseðli.

- Fasteignaskattur er skattur sem lagður er á fasteignir í samræmi við lög um tekjustofna sveitarfélaga nr. 4/1995 og tekur álagningarhlutfall fasteignaskatts mið af nýtingu húsnæðisins. Sé fasteign nýtt til ferðaþjónustu ber að skattleggja eign með fasteignum sem falla undir c-lið 3. mgr. 3. gr. laga nr. 4/1995. Þetta er skattur ekki þjónustugjald.

Skatturinn er meðal annars notaður til að greiða til Brunavarna Árnessýslu og Almannavarna, skatturinn fer einnig í sameiginleg verkefni sveitarfélaga s.s. söfn, Umhverfis- og tækisvið þar sem skipulags- og byggingarfulltrúar starfa og í samlag um seyru sem sveitarfélagið er í með Uppsveitunum, Flóahrepp og Ásahrepp þar sem seyran úr sveitarfélögunum er unnin sem áburður og nýtt við uppgræðslu í samvinnu við Landgræðslu Ríkisins. Skatturinn fer einnig í það að halda úti skrifstofu sveitarfélagsins, sundlaug og íþróttamiðstöð.

-Vatnsgjald er þjónustugjald sem innheimt er af sveitarfélaginu fyrir kaldavatnsnotkun frá vatnsveitu sveitarfélagsins. Gjaldið á að standa undir rekstri veitnanna.

-Sorphirðugjald er þjónustugjald sem þeir sem eru með sorpílát greiða. Samanber grátunna/græntunna/blátunna/brúntunna.

-Sorpeyðingargjald er þjónustugjald sem allir fasteignaeigendur greiða og skal standa undir rekstri á gámum, gámastöð og almennri sorpeyðingu í sveitarfélaginu.

-Seyrulosunargjald er þjónustugjald sem er rukkað árlega en rotþrær í sveitarfélaginu eru hreinsaðar á þriggja ára fresti. Þetta gjald stendur undir hreinsun á rotþróm og holræsum á þriggja ára fresti.

-Heitt vatn er svo innheimt sér og fær sá sem kaupir heitt vatn af sveitarfélaginu reikning ársfjórðungslega.

Skráning lögheimilis í frístundabyggð

Vegna fjölda fyrirspurna vill sveitarstjórn árétta að ekki er heimilt að skrá lögheimili í frístundabyggð. Í 2. gr. lagar. 80/2018 segir lögheimili er sá staður þar sem einstaklingur hefur fasta búsetu. Ekki er heimilt að eiga lögheimili á Íslandi á fleiri en einum stað í senn. Óheimilt er að eiga lögheimili á Íslandi eigi viðkomandi lögheimili erlendis.

Með fastri búsetu er átt við þann stað þar sem einstaklingur hefur bækistöð sína, dvelst að jafnaði í tómstundum sínum, hefur heimilismuni sína og er svefnstaður hans þegar hann er ekki fjarverandi um stundarsakir vegna náms, orlofs, vinnuferða, veikinda eða annarra hliðstæðra atvika.

Lögheimili skal skráð í tiltekinni íbúð eða eftir atvikum húsi, við tiltekna götu eða í dreifbýli, sem er skráð sem íbúðarhúsnæði í fasteignaskrá Þjóðskrár Íslands og hefur staðfang.

Með aðsetri er átt við tímabundna búsetu í húsnæði sem uppfyllir skilyrði lögheimilis skv. 3. mgr., þar sem skráning er heimil samkvæmt ákvæðum laga þessara.

Ljósleiðari í frístundabyggð

Þeir frístundahúsaeigendur í Grímsnes- og Grafningshreppi sem hafa áhuga á að fá ljósleiðara í frístundahúsið sitt eru beðnir um að hafa samband við sumarhúsafélagið í sínu hverfi og láta formenn þess hafa samband við Mílu í gegnum netfangið sala@mila.is.

Sumarhúsafélög

Sveitarstjórn vill vekja athygli á eftirfarandi í lögum nr. 75/2008 um frístundabyggð og leigu lóða undir frístundahús.

17. gr. Félag í frístundabyggð.

Í frístundabyggð er umráðamönnum lóða undir frístundahús skylt að hafa með sér félagsskap um sameiginlega hagsmuni. Þó er ekki skylt að hafa slíkan félagsskap þegar:

1. umráðamenn lóða undir frístundahús eru fimm eða færri,
2. einn og sami aðilinn hefur umráð yfir helmingi lóða í frístundabyggðinni eða
3. engir eða afar takmarkaðir sameiginlegir hagsmunir eru í frístundabyggðinni.

Félagssvæði ræðst af jarðarmörkum. Heimilt er að sérstakir sameiginlegir hagsmunir eða önnur landfræðileg mörk afmarki umdæmi félags þannig að fleiri en eitt félag geti starfað á sömu jörð eða félagssvæði nái til fleiri en einnar jarðar.

Nú er félag í frístundabyggð stofnað fyrir gildistöku laga þessara og skulu samþykktir þess halda gildi sínu að því leyti sem þær samrýmast lögum þessum.

Sveitarstjórn Grímsnes- og Grafningshrepps er að skrá og safna upplýsingum um formenn og stjórnir sumarhúsafélaga í Grímsnes- og Grafningshreppi og værum við mjög þakklát fyrir ef við fengjum upplýsingar um nýja stjórn til að uppfæra lista hjá okkur.

Ástæðan er sú að við viljum koma á betra og skilvirkara upplýsingaflæði til sumarhúsaeigenda. Þetta hefur verið í vinnslu í talsverðan tíma en það sem ýtir undir það sérstaklega núna er sú aukna flokkun sem þarf að eiga sér stað í sveitarfélaginu og viljum við endilega vinna það á farsælan hátt með sumarhúsaeigendum.

Hvatarblaðið

Hvatarblaðið er blað sveitarfélagsins sem kemur út einu sinni í mánuði. Frítt er að auglýsa í blaðinu og þarf efni í blaðið að berast fyrir 28. hvers mánaðar á eftirfarandi netföng: linda@gogg.is eða gogg@gogg.is. Öll heimili í sveitarfélaginu fá sent Hvatarblaðið og er einnig hægt að nálgast blaðið á heimasíðu sveitarfélagsins.

Við viljum einnig benda ykkur á heimasíðuna okkar: www.gogg.is og facebooksíðu sveitarfélagsins <https://www.facebook.com/grimsnesoggrafningshreppur> en þangað setjum við inn ýmsar upplýsingar og tilkynningar.

Virðingarfyllst,
f.h. sveitarstjórnar Grímsnes- og Grafningshrepps

Ása Valdís Árnadóttir, oddviti



Grímsnes- og Grafningshreppur

Hrólfshólar



SEYDISHÓLAR



Grátunna Blandaður úrgangur

Ef flokkun gengur almennt vel þá ætti mjög lítilill úrgangur að fara í grátunna. Dæmi um þennan úrgang er t.d. bleiður, úrgangur frá gæluðyrabíði, umblúðir úr blönduðu hráefni sem ekki er hægt að skilja í sundur og úrgangur sem ekki er hægt að hréinsa.

Blandaður, óflokkaður úrgangur er urðaður og með því að minnka hann er neikvæðum umhverfissáttvrum af völdum úrgangsins haldið í lágmarki.

Brúttunna Lífrænn úrgangur

Allur lífrænn úrgangur fer í tunna með brúna lokinu, úrgangurinn fer svo í jarðgerð og verður loks að motti. Gott er að safna efniinu í sérstaka þoka úr pappír eða maíspoka sem jarðgerast með efniinu. Venjulega plastþoka má alls ekki nota.

Athugið að binda vel fyrir pokana áður en þeir eru settir í söfnunartunna.

Súpur, sósur og soð má ekki setja með lífrænum úrgangi, því er skolað niður um vaskinn.



NÝTTI!

Blátunna Pappír og pappi

Til að efnið nýstist sem best sem endurvinnsluefni er nauðsynlegt að hafa í huga að mjólkurfermur séu vel skolaðar og annar pappír undan matvællum þarf að vera hreinn og þurr. Mjálkvægt er að fjarlægja allar matarlefjar og plastumbúðir sem kunna að vera inni í umbúðunum. Allt efni á að fara laust í tunna en ekki í lokuðum pokum. Pappírn og pappírn er að mestu fluttur erlendis til endurvinnslu og dregur slík endurvinnsla úr eyðingu skóga

Umbúðir þurfa að vera hreinar og lausar við allar matarlefjar



Græntunna Plast

Til að plastið nýstist sem best sem endurvinnsluefni er nauðsynlegt að hafa í huga að plast undan matvællum og hreinsiefnum þarf að vera vel skolað og þurr. Sníðugt er að pressa umbúðirnar saman til að minnka rúmmál. Allt efni á að fara í pokum í tunna.

Plast sem safnast fer að mestu erlendis til endurvinnslu en að hluta til orkuvinnslu.

Umbúðir þurfa að vera hreinar og lausar við allar matarlefjar



Líðar servítur
Límiðar
Einnota hanskar
Gúmmihanskar
Pennar
Kveikjarar
Tyggjó
Geisladiskar
Bleiður

Sótt á 3ja vikna fresti

PUMALPUTTAREGLAN er sú að ef þú finnur engan annan stað fyrir úrganginn þá á hann að öllum líkindum heima í grátunnu.

Ávextir og hryði
Grænmeti og hryði
Egg og eggjaskur
Eldaðir kjöt- og fiskgangar
Mjóli
Hrisgrjón og pasta
Brauð og kökur
Kaffikorgur, kaffi- og tepokar
Norð eichusbréf
Alskorin blóm og plöntur

Sótt á 3ja vikna fresti

PUMALPUTTAREGLAN er sú að ef þú getur borðað það en vilt það ekki þá fer það í brúttunna.

Dagblöð og tímarit
Umslög og gluggaumsög
Skrifstofupappír
Bæklingar
Hreinar mjólkurfermur
Bygglupappi
Gjafapappír
Eggjabakar
Stuttur pappír s.s. morgunkompspákar

Sótt á 6 vikna fresti

PUMALPUTTAREGLAN er sú að ef þú getur rifit úrganginn þá er hann að öllum líkindum pappír og fer því í blátunna.

Plastpokar
Plastbútar og -flöskur
Plastdósir
Plastfilma
Plastumbúðir s.s. utan af kexi og sælgæti
Plastbakkar
Frauðplastumbúðir
Poker utan af smáki

Sótt á 6 vikna fresti

PUMALPUTTAREGLAN er sú að ef þú ert ekki viss um hvort endurvinnsluefnið er úr ál eða plasti getur þú prófað að krumpa efnið saman og ef það spreitur út aftur þá er það plast, en ef það helst samantekrunnað þá er það ál og fer með málmum.



Girnisnes- og Grafningshreppur

Nánari flokkun á Gámastöðinni Seyðishólum

	Fatnaður og klæði		Rafhlöður		Spilliefni, olíusíur, vatnsmálning
	Raftæki		Heyrúllu- plast		Grófur úrgangur (húsgögn)
	Hjólbarðar		Timbur hreint/ómálað		Grjót, múrbrot og jarðvegur, gifs, postulín, gler
	Rafgeymar		Járn, málmur		Garða- úrgangur

Talið er að á Vesturlöndum hendi hver einstaklingur nýtanlegum mat að virði um 60.000 króna á ári. Í fjögurra manna fjölskyldu gerir það 240.000 krónur á ári. Hver vill ekki nýta þessar krónur í aðra hluti en til metanframleiðslu á urðunarstöðum?

Á Íslandi er magn umbúðaplastúrgangs um 40 kg á hvern íbúa á hverju ári eða alls á Íslandi um 13.000 tonn á ári.

Pappír er mjög hentugur til endurvinnslu en hann er hægt að endurvinna fjórum til sjö sinnum án þess að hann tapi gæðum.

Hver landsmaður losar sig við 660 kg af heimilisúrgangi á ári. Í fjögurra manna fjölskyldu gerir það 2,6 tonn af úrgangi á ári.



Grímsnes- og Grafningshreppur

Sumaropnun

Sumaropnunartími gámastöðvarinnar
Seyðishólum frá 1. maí til 31. ágúst

Mánudaga	Þriðjudaga	Miðvikudaga	Fimmtudaga	Föstudaga	Laugardaga	Sunnudaga
Lokað	13-16	Lokað	13-16	13-16	13-16	13-16

Vetraropnun

Vetraropnunartími gámastöðvarinnar
Seyðishólum frá 1. september til 30. apríl

Mánudaga	Þriðjudaga	Miðvikudaga	Fimmtudaga	Föstudaga	Laugardaga	Sunnudaga
Lokað	13-15	Lokað	13-15	Lokað	13-16	Lokað

Athugið að ofangreindur opnunartími breytist við stórhátíðir.

Lokað er á gámastöðinni eftirtalda daga: Nýársdag – Föstudaginn langa –
Páskadag – Frídag verkamanna 1. maí – Hvítasunnudag – 17. Júní –
Þorláksmessu – Aðfangadag jóla – Jóladag – Annan í jólum og Gamlársdag.

OPIÐ ER FYRIR LOSUN HEIMILISSORPS
ALLAN SÓLARHRINGINN